

6. 162.

2. AUSPICE JESU!

LUTHERUS HEROS,

applaudentibus ad Auram Musis,
sub

VINDICIAS

J O H. Münster,

Phil. Pract. & Hist. Prof. Ord.
*Pro consuetis in Philos: Honoribus
consequendis,*

in pio eruditorum Collegio
loco & horis consuetis,

Die 3 Decembr: An: vergentis 1703.
exhibitum,

â

R. M. Al.

MATTHIA ELC.

Sat: Finl.

Exc. Jo. WAL.

10231 301920 A



MOMENTUM PRIMUM Onomatologicum,

§. I.



Ntequam ipsum opus,
quod præsenti discursui
nomen fecit, aggredi-
or, paucis circa expli-
cationem vocum, quas
in fronte hæc dissertatiuncula, gerit, im-
morari abs re esse non duxi. Variæ al-
lusiones, quibus usi sunt docti & ipse
quoque Lutherus ad hoc suum cogno-
men, nos in dubio relinquit, unde
credamus illud derivatum. Ipse, sane,
vocabuli Romani *lutum* allusive memi-
nit, ut videtur ex epistola ejus ad Ju-
stum Jonam A. 1527 data, cum hac in-
scriptione, *Martinus Lutherus Christi lu-*
tum, tanquam se non pluris æsti-
masset, juxta illud Gen. 3. 19. vel quod

A

pro

pro luto ab aliis habebatur. Alii alludunt ad vocem germanicam Lauter/ h. e. limpidus, purus, quasi a pontificiis erroribus purus diceretur, ceu innuunt verba, Matt: Scheineri Episc. Sedunensis cum diceret: *Luther tu es verè Luther: disputatione Ecclesie quantum velit, Luther tamen veritatem scribit.* Nec desunt, qui allusum volunt ad vocem latinam Luther, quæ significat vas, quo vinū diluitur, vel quo vasa abluntur. Quod autem hic in titulo cognomen unicè, & plerumque alias, adhibetur, fit id secundum axioma Historicorum: quibus, cognomina sæpius ipsis nominibus sunt usitatoria. Exemplum hujus rei habemus in Semine Noæ filio, qui (prout multorum est sententia) ob officium Melchisedech, quasi Rex justitiae, in S. codice vocatur: & sub hoc cognomine, ut Christi typus, ἀπάτωρ καὶ ἀμύτωρ dicitur Heb. 7.3. sic etiam Christus vocatur sacerdos secundum ordinem Melchisedech: Psal. 110. 5. Ita Cæsar Octavianus II. Romanorum Imperator Augustus appellatus, ab anno imperii sui

sui XVI, & adhuc in hodiernum diem post eum ejus successores vocantur Augusti, ab officio, ut nonnulli putant, quod nempè imperii Rom. pomœria extenderet finesque ejus augere debeant. vid. Christ Matt. Theat. Hist. p. 433. De cætero, quod attinet nomen ejus proprium, fuit id Martinus, quod videtur posse deduci à Marte, ut sit vi vocis tantum, ac cīn streitbahren Hēld h. e. stridzbahre Hielte. vid. Joh: Lud: Hartmanni Absolutions Buchl. p. 83. undē confirmari poterit illud Poëtæ:

Conveniunt rebus, nomina səpē, suis.

Ab hoc tamen Martino, exceptis innumerabilibus aliis, discriminandi sunt 1. Martinus filius ejus secundo genitus, qui Heidelbergæ A. 1565 obiit. 2. Martinus Bucerus, Celebris in Academia Cantabriensi Theologus atque Lutheri familiaris 3. Martinus Episcopus Turenensis, qui ob immanitatem Jul. Apost. adversus Christianos, in Galliam fugit, ibique pasta Ecclesia per 26 annos, obiit. vid. Christ. Matt. Theat. Hist. Hujus in

memoriam celebratur undecimus Novemb. nostro verò Martino, 10 ejusdem natalis fuit, ut videre est in momento sequenti,

§. II.

Tacta sic leviter originatione vocis Lutheri incumbit, ut etiam aliquid de voce Herois dicamus, quam, alii ab ἀπερῆς h. e. virtute deduci volunt; alii ab ἄερος, ἀερे; alii ab ἡρῷος, terra; alii ab Ἡρῷος, Junone; alii ab ἐρευνη, dicere; alii ab ἀιρεῖσθαι, eligendo; alii ἀπὸ τῆς Ἐρωτᾷ. ab amore: quod amor & studium veritatis, in naturis heroicis sit vehemens. Quae ultima originatio nobis cum Rudauffio placet. Accipitur etiam vox hæc præterea, vel *generaliter*, pro qualibet virtute eminenti, in propriissima tamen & specialissima significatione, denotat virtutem Divinitus hominibus, concessam, sive illa sit extraord: intellectuualis, sive moralis, sive in spirituualibus, qua significatione etiam Martyres & alii, qui propter verbum Dei he-

heroico animo multa aggressi atque
passi sunt, comprehenduntur, quæ hu-
jus loci est.

MOMENTUM SECUNDUM Historicum.

Et hæc de nominibus adferre placuit, consequens est ut pro-
pius ad rem accedamus, atque
primum in natales nostri He-
rois inquiramus. Perhibent itaque fide
digni Chronologi, eum Islebii in Comi-
tatu Mansfeldio Saxonie, à piis Parenti-
bus, Patre Johanne Metallifossore, Matre
vero Margareta Lindemann, die 10 Nov.
ut antea dictum, horâ noctis II. natum
esse. Annum monstrant versiculi:

NatVs es IsLebII DIVIne propheta LVthert:

ReLliglo fVLget te DVCe Papa IaCet.
Scil Ann. 1483. Hic uti erat felicis in-
genii & magnum pollicebatur virum; ita
in pietate & bonis literis studiosè, pri-
mum domi informabatur: postea cum
natus esset annos 14, Magdeburgum cum

Ja-

Joh. Reimelten/ cuius tunc usus erat informatione, missus est, ubi per annum, non sine magno fructu, commoratus; sequenti anno 1498 Isenacum proficisciatur. Hic datâ majori commoditate discendi per quadriennium literis incubuit. Postea Erfordiam ad capiendos honores magisterii A. Ch. 1503. suæ vero ætatis 20. sele contulit. Ut versiculi:

*ErfVrtI JVVenIs tIeVLos CapI: Vrbe
MagIstRI,*

LVftra sVe etatIs qVasVor aCta Colens.
 Primum se totum Philosophiæ atque Juris studio, ex voluntate Parentum & cognatorum dedit: verum postmodum A. 1505. fulmine quodam territus, reclamantibus parentibus, primo ordinem Augustinianorum ingressus die 17 Julii, cum ageret annum 22. deinde A. 1507 Dominica cantate sacerdotio iniciatus est. Circa hæc tempora Wittembergæ nova instituta erat Academia, à Friderico Elect. Saxoniæ, cuius curam agens Staupitius, Lutherum eo ad Theologiam docendam ducit. Interim Roman,

litis dirimendæ causa inter Monachos or-
 tæ A. 1511 contendit. Unde reversum,
 Electoris mandato, d. 10. Oct. ætatis suæ
 A. 29. Theol. Doctorem proclamarunt.
 Postmodum A. 1517 contra Papam a-
 gere cepit, evulgatis d. 31. Oct. 95. The-
 sibus contra indulgentias Papales, quare
 irritatus Leo X Romam eum citat; sed
 interventu Elect: Augustæ, A. 1518. apud
 Cardinalem Cajetanum, causam egit.
 A. 1521 Wormatiæ coram Imper. Car.
 V. fidem suam defendit & cum Eccio
 disputat. Præterlapsò hinc uno Anno,
 cum jam 42 vixisset, Virginem no-
 bilem Catharinam de Born uxorem
 duxit, perque D: Bugenhagium copulari
 se curavit. A. 1530. deinde, Augustæ in-
 dicta fuere comitia, in quibus cum
 multa agerentur, de religionis contro-
 versiis sopiendis & Pontificiorum mi-
 nis, nonnihil turbarentur Protestantium
 Theologi: Lutherus, qui interim ob vi-
 ciniam Coburgi degebat, consolatur eos
 variis dictis Script: S. Et tandem Isle-
 bii in patria suâ d. 18. Feb. A. 1546. manè,
 ho-

horâ 3. diei Concordiæ & Constantiæ,
multorum amicorum cordolio placidè
obdormivit, cum vixisset annos 63. Cor-
pus ejus 23. Febr. in Templo arcis Pe-
tri; Wittenbergæ, præmissâ concione
funebriali, D. Bugenhagii, Oratore Philip.
Melanch. honorificè humatum est.

MOMENTUM TERTIUM Pragmaticum.

§. I.

Expensis sic, pro modulo ingenii,
quæ præmittenda videbantur,
nunc ea aggrediemur quibus
hunc nostrū Lutherum Heroi-
co ingenio præditum fuisse, quantum ru-
dis Minerva tulerit, probatū demus. Quod
ut facilius dispaleſcat, in antecessum no-
tamus, tria à Philosophis ad heroicam
virtutem requiri. Primo, impetum seu
inflatum Divinum, quia Heros singula-
ribus donis, communem hominum con-
ditionem excedentibus, exornatus esse
de-

debet. Unde etiam à Poëtis antiquis dicti, sunt Heröes, Semidei. Sic Hesiod.

*Zeus προνιδης μίησε δικαιόπορη καὶ ἄρειον
Ἄρδην οὐκών Δέον γέρος ὁ καλέον τοις
μητέοις.*

Deinde, Constantiam summam, quâ Heröes ita à DEO confirmantur, ut nullis minis, machinis atque tormentis, a recta ejus defensione, se divelli patientur, sed omnia susque deque habeant, juxta illud: *Fulgura ex pelvi non meruo.* Postremo, admirandam felicitatem, quâ DEUS felicem eis largitur exitum, ut velut palma, ab omnibus periculis tandem emergant. Quæ tria Julius Cæsar sic effatus est: *Veni, vidi, vici.*

§. II.

Nè autem vagationis justo longioris insimulemur, dicamus in B. Lutherò fuisse omnia, quæ in Heröe requiruntur. Ut autem hæc gratis dicere non videamur, vel hoc generali arguento probatum damus; Nam si etiam ii, qui vel in artibus atque scientiis, ex-

cellunt, Heröes dici merentur, ceu Plato, Aristoteles, Thomas Aquinas, Picus Mirandula, Erasmus, Melanchthon; & in mechanicis, Archimedes, Albertus Durerus &c. quanto magis hoc Divinum Organum, quod ex admiranda DEI misericordiâ & benignitate, incomparabile reformationis opus, in Ecclesia Christiana, summis viribus atque pienissimo zelo suscepit, ut ex luctuosa illa tyrannide, & plus quam Ægyptiacò ergastulo atque Babylonica servitute, excarnificatum DEI populum, eximeret. Id, autem, tantâ animi magnitudine, successus prorsus incredibiles, largiente Divina providentiâ, præstitit, ut, quamquam orbis & orcus contra fremerent, remorari tamen nunquam, multo minus supplantare in Christo constantissimum Athlantem, potuerint; sed quo magis abjuratissima illa hydra latialis averni, fuseret, eo majorem, & uberioriem in Ecclesia fructum, atque frequentiorem de hostibus gloriam, licuit

ten-

sentire, neque id ullâ vi effectum est,
sed calamo à Sp. S. ducto , juxta il-
lud Poëtæ.

*Lutherus decimum, conficit strage, leonem:
De clava noli querere, PENNA fuis.*

§. III.

Porro, non desunt de eo præclara aliorū
testimonia, quæ satis superque eum,
vel antenativitatem etiam Heroa eleētū
fuisse prædicant. Ut taceam illa luculenta
a Sp. S. in S. Codice de eo edita vaticinia,
ut de Angelo Evang: æternum habente,
perq; medium cæli volante, Apoc. 14: 6.
Quod dictum, in concione ejus funebrali
à D. Bugenhagio habita, loco exordii in
eum quadrare fuse ostendebatur. Ita
Zach. 14. 7. de luce tempore vespertino
proditurā. Memorabile est illud, quod jā
ultra 300 añps ante natale sejus, tempore
Friderici Barbarossæ, fatidicis adum-
bratum literis nomen ipsius inno-
tuit: hic enim Imperator, circa An.
1152, cum in Carinthia templum ex-
strueret, Igingæ titulo celebrè, mul-
tis

tis picturis atque statuis id exornavit, inter quas una, quæ Monachum vertice raso atque cingulo præcinctum representabat, inveniebatur, supra cuius caput hoc majusculis literis erat scriptum: LUTHERE. Christ: Matth. in Theat Hist. p. 941. In magnam quoq; sui admirationem rapit illud, quod de Richardo Armachanensi, in Hiberniâ Primate atque Episcopo, narratur. scil. quod ille An. 1358, ante mortem, N. T. in Hibernicum sermonem translatum, in templi quodam angulo deposuisset, cum hac inscriptione: *Quando hic liber inventus fuerit, veritas toti mundo manifestabitur, vel Christus orbi mox apparebit.* Inventus autem est ille liber circa An. 1530, in reformatione ejusdem Templi, teste Franc: Petrarcha Epist. 19. Nec minoris dignitatis est illud Joh. Hussi, qui, contra fidem ab Imperatore Sigismundo datam, svasu Episcoporum & Papalium, A. 1414 Constantiæ crematus, spiritu Prophetico, vaticinium, jam rogo imponendus, dixerat: *Hodie anserim*

crematis, sed post 100. annos ex meis cineri-
bus nasciturus est Cygnus quem mactare non
valebitis. Quod vaticinium hoc carmi-
ne expressit Treutler.

Ignis Corpora saCra saCri ConsVM se-
rat HVssl;

Post HVssVM CaCo CygnVs In orbe
Canlt.

De Sigismundo Imperatore legitur, cum
Reformationem, de simonia & superbia
Romanorum reprimenda, in Concilio
Constantiens, de hac causa suscipere vo-
luisset, quod Hungariæ voce quadā Divi-
nitus admonitus fuerit: *Uit gnavo cuidam
Sacerdoti, Friderici Angelo, viam prepara-
ret, per quem DEllS multa, adversariis fru-
stra renitentibus, operatus esset.* Huc ad-
duci possent ii; qui reformationem, aut
optarunt, aut jamjam instare prædixe-
runt; sed cum iis recensendis, nec tem-
pus, nec charta suppetat, ideo eos præ-
termittimus, unius solumodo Astrono-
mi Ulmensis edictum, quod reliquorum
supplebit vicem, adferentes. Hic, sur-
geet quidam anno ccccxx, inquit, typis

publicis evulgaturus libros latinos & Germanicos, contra Pontificem nostrum Romanum ejusque Cardinales & Sacerdotes totumque Clerum, & patefaciet, & deteget, omnem improbitatem & nequitiam.

§. IV.

Præterea, ut ad requisita Philosophica redeam, quin digitus DEI cum nostro hoc Megalandro operatus fuerit, nemo, ne hostium quidem, negabit. Arguunt enim hoc, præter id, quod jam in pueritia in DEI organum electus fuerat, præcipue vero ætatis An. XXII, cum valido fulmine de Cœlo territus, ad sacerdotium, vocaretur, ut ipse de se testatur Tom. 2. lat. Jenensi, subtilissimum atque propè Divinum ejus ingenium, eruditio admiranda, solida præter modum rerum Theologicarum scientia, interpretandique gravitas. Manifestum hujus rei exemplum habemus in scriptis ejus, quæ triplicis sunt generis (α) Διδασκαλινæ, salutarem & necessariam doctrinam hominibus commen-

mendantia, ut sunt, de pœnitentia; de fide
& veris fidei fructibus, de usu Sacramento-
rum, de discrimine Legis & Evangelii, item de
Evang. & Philosophia, de dignitate Politici or-
dinis; denique de precipuis articulis Ecclesia-
sticis necessariis. (β) Ἐλεγκτὴ, in quibus
multos errores hominibus perniciolos,
refutavit. (γ) Ἑζηντὴ, in scripta Pro-
phetica & Apostolica. Inter ista tamen
eminent Biblia ejus Germanica, singu-
lari Sp. S. dono, ex fontibus Hebraicis
& Græcis, tam purè, clare & perspi-
cue translata, ut & hic illud Severii
in illum quadret.

Japheti de gente prior meliorve Luthero
Nemo fuit, at nec, eredo, futurus erit.
Licer verò nos non fugiat, aliquos in-
veniri, qui cum fatuo Æsopi gallo gem-
mam hanc spernunt, omnes tamen, qui
Christianæ sunt mente affecti, singula-
rem DEI gratiam in hoc agnoscunt, atque
plus luminis pio lectori afferre, quam
multorum aliorum commentaria; ut ta-
ceam alios, audiatur super hanc rem
D. Heshusius apud D. Qvenst. in Eth. Past.

Van

Wann alle Commentarien. so in Griechischer und Lateinischer Sprachen über die ganze Bibel gemacht sind/ derer ein sehr groſſe Haufſe iſt/ und viel Centner wägen/ mit groſſer Fleiß durchleſen werden/ so geben ſie doch allesamt nicht ſo viel Lich-tes und Verstandes dem Christlichen Leſer/ als die klare und gar herliche Döll-metschung Lutheri. Sed & pluribus laudat hanc versionem. B. Gerhard: Legitur etiam quendam Hispanum, non illiteratum, nomine Dryandrum, Germanicæ linguae cognitionem avidè ideo optasse, ut & ipse Germanica Biblia Luth: ab aliis gravibus viris commendata, posset legere & intelligere. Sed quid multis opus verbis? res ipsa loquitur, consulatur vel unicus locus, 2 Sam: 23. & facile exclamaveris: Wärcket prijsar Mästa-ren ſin.

§. V.

Accedit hoc illud, quod An: Christi se-pra-fsesquimillesimū decimo septimo obtigit, cum Leo X Pontif: Rom: missis per omnia regna literis & diplomatibus, o-

mni.

mniūm delictorum expiationem & salu-
 tem æternam, pollicebatur, interventu
 pecuniae, quam quisque daret: ad eam
 rem qui mittebantur, Qvæstores, passim
 per omnes Provincias æraria constitu-
 erant, vociterantes, nullum posse ad-
 mittit tantum scelus, si vel vim Sanctissi-
 mæ Virginis Mariæ intulissent, quod ho-
 rum diplomaticum virtute non possit con-
 donari, eorumque animas, qui crucien-
 tur in purgatorio, simul ac nummus
 in arcuam sit injectus, solutis pœnis,
 in cœlum exemplò subvolare. Sleid:
 l. i. Hoc subsentiens B. Lutherus, vi Sp. S.
 tanto delirio se opposuit, monendo quo-
 vis, ut cautè & circumspete agerent,
 nec rem nullius pretii, magno ære sibi
 compararent: fecit autem id, promul-
 gatis Württembergæ thematibus numero
 95, in quibus de purgatorio, de verâ pœ-
 nitentia & charitatis officio, de indul-
 gentiis, solidè & copiolè dilputabat, &
 Quæstorum conciones immoderatas im-
 pugnabat. Huic operi etiam ipse DEUS
 interesse voluit, cum eodem anno, quo

hæc à B. Luth. peragebantur, crucem
sanguinei coloris in fudo cœlo nocte
Festi Nativitatis Christi, multis conspi-
ciendam daret, atque Romæ vi fulmi-
nis actontrui Templum, in quo perage-
bantur Sacra, cum Leo X. Cardinales 31
crearet, percelleret.

§. VI.

Ut tempus lucremur, ad secundum re-
quisitum, quod Constantiam fecimus
esse, age, nos conteramus. Quare, quod
nec istius expers fuerit hic noster Heros,
pater, quod ne vel in maximiis periculis
unquam cespitaverit, unquam exhor-
ruerit; sed semper bonitate causæ fissus,
omnem adversariorum impetum & to-
tius orbis odium, fortissimo pectore su-
stinerit, atque ut murus aheneus con-
stiterit. Inter multa heroici animi spe-
cimina, non minimum est illud, quod,
cum à variis & virulentis Papistarum
scriptis laceßeretur: adhæc iidem ful-
mina in eum, tanquam Hæreticum i-
gne perdendum, torquentes, theles ejus
cre-

cremarent; tandemque à Papa; ex
 co[m]unione Romanæ Ecclesiæ exclude-
 retur: semper robustior factus fuerit.
 Non enim audebat non dicere, se ex
 variis adversariorum stimulis didicisse,
 Romam esse ipsam sedem Antichristi,
 & quavis Babylone ac Sodomâ corru-
 priorem: Papatum autem ipsum, ro-
 bustam Romani Episcopi venationem:
 sibi verò melius videri, si, vel tenui sa-
 credotio contentus, vel è suis copiis &
 patrimonii facultatibus, vitam tolera-
 ret, remotissimus ab istis assentatori-
 bus, qui nomen & autoritatem ipsius
 obducunt. Bullam denique Leonis X.
 cum universis decretis Pontificalibus
 solenni ritu cremari jussit. Sleid. l. 2.
 Adhæc, solitus est s[ecundu]s scilicet dicere,
 præcipue vero moribundus in parietem
 conclavis suæ hæc infixit verba; *Pestis*
vivus fui, mortuus mors vestra ero; DEUS
enim irritavit & incitavit me contra vos, ut
Hoseam Prophetam, ut vobis sim ursus &
leo in via Aſſur.

Majorem vero constantiam inter minas præsentissimæ mortis coram Carolo V. & totius imperii Romani proceribus, in fide defendenda sua, præstítit: Cum enim per caduceatorem Cæsar, B. Luth. Wormatiam vocaretur, impulsu oratorum Pontificis, ille mox mandato accepto, itineri se accingens, frustra renitentibus amicis, qui eum, tanquam jam damnatum, à proposito dehortabantur, injecta mentione Joh. Hussi, antea in Concilio Constantiensi cremati, animo dixit magno: *se, si vel tot insurgerent Demones, quot in tectis urbibus cernerentur tegulae, conventum declinando absentiam minime excusare.* Tom. 2. lat. Wittemb. Itaque progressus Wormatiam die 26 April. A. 1521, Cæsari ac frequenti Principum Concilio, sequentis demum diei horâ 4. promeridiana, se stitit. Eccius Ictus sciscitari cœpit, num Lutherus libros à se scriptos pro suis agnosceret, & an quicquam in iis retractare, an tueri, velit. Ille heroico re-

regessit spiritu: se, suos esse, agnoscere,
 & ni Script. S. testimonio ac evidenti
 ratione evictus fuerit, non posse illæsa
 conscientiâ quicquam eorum, quæ scri-
 pterit revocare. Pontifici vero, cum
 nulli possit, & tæpè sibi contraria di-
 xerit, sese oppositorum palam confes-
 sus est. Hanc ipsius constantiam, vi-
 dens delectus ordinum, agere cum eo
 cœpit, ut suæ consulens vitæ, à tanta
 pertinacia abstineret, atque sua scripta
Cælaris & Principum cognitioni sub-
jiceret. Ille vero se quidvis passurum,
 immo, ipsam vitam potius positurum,
 quam à manifesto DEI verbo recepsi-
 rum, retulit: cum, ne vel Angelo aliam
 doctrinam prædicanti, credendum esse,
 Paulus prædixerit. Gal. I. Tandem Epi-
 scopo Trevirensi interrogant, quomo-
 do huic malo medendum sit? reponit: nisi
 causa sua à DEO esset, fore, ut infra bien-
 nissimile ipse cum doctrinâ suâ intercidat. Qua-
 re à Cæsare die 8 Maji Anni supra nomina-
 ti proscriptus, opera Friderici Principis in
 arcē Wartburgensi à frequenta hominū

sum-

mā modestiā ad decem Menses secessit. hic tamen nec autoritatem Pontificis elevare cessavit, emissis variis opusculis et Epistolis, donec tandem Islebii piè & sancte animā Christi tanguine redemptam, efflavit.

§. VIII.

Hic ejus fatalis excessus, prima facie, portentosa ostentare videbatur, cum non modo, Gryphi & Eumenides infernales Ecclesiæ Christianæ insultare, non erubuerunt; sed ipse etiam Cæsar inito cum Pontifice foedere, ut omnes qui placita eorum suscipere recularent, vi ad obedientiam curiæ Romanæ traherentur, fidei defensores Fridericum Electorem Saxoniæ & Landgravium Hassiæ bello fregit atque captivos duxit. Inter has helli turbas ferunt Cælarem victorem Wittenberg: intrasse, ibique lustratis locis publicis, sepulcrum Lutheri offendisse: hoc ut dirueretur atq; publice cremaretur, duo furii infernales, scil. Ferdinandus Albanus & Episcopus Atrebaten sis, Cæsari svassis se; verum hic pius vir, ut vivus heros

erat ita & hic invictus mansit, cum Cæsar, non modo declarasset, petitionem eorum sibi displicere, sed etiam capitis pœna sanxisset, inviolatum fore Luth. sepulcrum. Quam autem DEO hæc victoria placuit, ostendit satis fulmen terribile, quod Misniæ Templum, horis pomeridianis, cum ante meridiem in eo sacrificuli pro ~~victoria~~ parta gratias perolvissent, igne accedit. Michrel. synt: Hist: I. 3. f. 2. Præterea Mauritus, ad quem interim Electoratus devolutus est, subito bello Cæsarem, eo successu, lacepsivit, ut loca munita alia post alia occuparentur, & Cæsar non modo captivos solveret, sed & religione Protestantium pacem ac libertatem concedere cogeretur.

§. IX.

De felici hujus magni herois successu nullum est dubium, majorem enim, quam unquam exspectarunt, ruinam, adversarii deprehenderunt, & adhuc per DEI gratiam, deprehendent. Nam, quo vehementiores fuerunt ejus hostes, eo semper majora incrementa cepit ejus

doctrina. Qua de re & ipse sibi gratulatus, Tom: 7. Wittemb: latino: oppugnarunt me, inquit, summis viribus totus orbis terrarum, & tamen, quo fuit omnium ipsorum impetus vehementior, eo fecit maiores progressus doctrina mea. Et paulo post: sic adeo servatus sum in hunc usque diem (fremat licet Pontifex omnesque adversarii) & simul mea doctrina multos ad populos dimanavit. Gaudet jam de felici successu hujus pessimi Herois Germania: gaudet Dania & Norvegia: gaudet Svecia: gaudemus & nos in Christo a fermentis Papalibus nos esse eruptos.

Essent quidem adhuc multa, in laudes hujus magni herois dicenda. Sed cum non minus temporis ratio brevior, quam curta satis supplex breves ducere lineas monuit, ideo hic grata mente, pro tam immenso DEI beneficio, qua nos per hunc Megalandrum affectit, subsistimus atque vovemus ut insuper Ecclesiam suam servet, regat, atq; ab omnibus adversiorum insultibus, umbraculo alarum suarum proteget & tueatur, ille qui solus habet immortalitatem & lucem habitat inaccessibilem, quem nullus hominum vidit, nec videre potest, cui honor & imperium sempiternum,

A M E N !